



### LENTSWE LE TSWANG HO MOOFISIRI YA KA SEHLOOHONG



Ke a le amohela ho Lesedinyana la Ditho la rona la pele bakeng sa 2023

Ditsebi tsa ditaba tsa ho bea meja fatshe hangata di kgothaletsa hore batho ba boloke haholo kamoo ba ka kgonang dilemong tseo ba sa ntseng ba sebetsa ka tsona ele hore ba lebele ka tjeheseho matsatsi a bona a penshene a monate. Empa ka lebaka la tikoloho ya ekonomi e boima ya Afrika Borwa (mme ka mona timatima le yona e phaella mathateng ana!), re a tseba hore ho bolokela ho bea meja fatshe ho thata haholo. O ka ithoholletsa ka kgwedi e nngwe le e nngwe eo o bolokang ka yona, o tseba hore o nkile mohato o lebisang ho bokamoso bo botle.

Re sa le tabeng ena, mohlomong o a ipotsa hore ebe ho tsetela bakeng sa nako e telele, jwaloka ho dipolokelo tsa ho bea meja fatshe, ho ka ba molemo esitana le moruong o thata ona na. Ditaba tse monate ke hore ho tsetela bakeng sa nako e telele ho o fa monyetla o betere wa ho una kgolong e akaretsang ya dimmaraka. Re o kgothaletsa hore o dule o itlamme o inehetse ho merero ya hao ya ho bolokela penshene, ho sa natswe diphephetso tse teng tsa moruo. O ka nna wa ikutlwa o phephetseha hore o hule tjelele ya hao ya dipolokelo pele o bea meja fatshe, empa le kgulo e nyane feela e ka ama bophelo bo botle ba ditjelele tsa hao nakong e telele e tlang mme ho be ho bake le ditlamorao tsa lekgetho. Ka lehlakoreng le leng, nyehelo ka nngwe e nyane eo e etsang - mme o e boloka e tsetetswe - ho dipolokelo tsa hao kajeno, e o atametsa haufi le penshene ka boiketlo nakong e tlang.

#### Kgatisong ena, re o fa tse latelang:

- Dikgetho bakeng sa ho laola dipolokelo tsa hao tsa ho bea meja fatshe ebang ho ka etsahala hore o lahlehelwe ke mosebetsi kapa o itokolle mosebetsing;
- Tlhalisoleseding mabapi le dikamo tsa lekgetho ha o tlohela SuperFund;
- Kutlwisiso mabapi le ditlleleimi tse fanwang pele ho nako tsa Tsiane ya Lefu; le
- Kgotso mabapi le tshebetso ya rona ya dihora tse 24 ya WhatsApp bakeng sa ho lekola boleng ba dipolokelo tsa hao tsa penshene.

SuperFund e itlamme ho o tshetsa mokgahlelong o mong le o mong wa leeto la hao la penshene, ho tloha ho polokelo bakeng sa yona, ha o ntse o tsitlallela ho etsa dikgetho tse mepahetseng.

#### Balang ha monante mme le dule le bolokehile.

Fiona Reynolds  
Moofisiri ya ka Sehloohong: Old Mutual SuperFund

## HO TLA ETSAHALA ENG KA DIPOLOKELI TSA KA TSE HO SUPERFUND HA NKA DIHELA, KA FOKOTSWA, KAPA KA LELEKWA MOSEBETSING?

#### O na le dikgetho tse mmalwa:

- Kgetho ya 1:** Dula o le Setho sa SuperFund: Baballa dipolokelo tsa hao tsa penshene ho Paballo ya SuperFund Preserver.
- Kgetho ya 2:** Tlosa dipolokelo tsa hao tsohle tsa penshene o di kenye ho letlole le leng, jwaloka Letlole la Retirement Annuity (RA), Preservation Fund, kapa Letlotle la Mohiri wa hao le letjha.
- Kgetho ya 3:** Hula e nngwe kapa tjelele yohle ya dipolokelo tsa penshene e le kontane (mme o fetisetse e setseng, ebang e le teng, ho letlole le leng la penshene.

*\*Tjelele efe kapa efe e hulwang e ka nna ya lefiswa lekgetho. SuperFund e kgothaletsa hore o tsetele dipolokelo tsa hao tsa penshene ho ena le ho di ntsha e le kontane moo ho kgonehang. Dikgulo di ka ama menyela ya hao ya ho natefelwa ke penshene e nang le boiketlo ka tsatsi le leng.*

Bakeng sa tataiso ya mahala mabapi le dikgetho tse fumanehang ho wena le ho o thusa hore o etse qeto, bua le [SuperFund Retirement Benefits Counsellor](#) (RBC) hoo 021 503 0069.

#### Ke tla lefa lekgetho le lekae ha nka hula dipolokelo tsa ka ho SuperFund?

Lekgetho leo o le lefang le tla itshetleha ho lebaka la hao la ho tlohela Mohiri wa hao:

#### Mabaka a ho tlohela mosebetsi

Ho dihela kapa ho nyalwa		Ho bea meja fatshe, ho fokotswa, kapa lefu	
Tjelele ya tsiane	Sekgahla sa lekgetho	Tjelele ya tsiane	Sekgahla sa lekgetho
R0 - R27 500	0%	R0 - R550 000	0%
R27 501 - R726 000	18% ya lekeno le lefiswa lekgetho le fetang R27 500	R550 001 - R770 000	18% ya lekeno le lefiswa lekgetho le fetang R550 000
R726 001 - R1 089 000	R125 730 + 27% ya lekeno le lefiswa lekgetho le fetang R726 000	R770 001 - R1 155 000	R39 600 + 27% ya lekeno le lefiswa lekgetho le fetang R770 000
R1 089 000 le ho feta	R223 740 + 36% ya lekeno le lefiswa lekgetho le fetang R1 089 000	R1 155 001 le ho feta	R143 550 + 36% ya lekeno le lefiswa lekgetho le fetang R1 155 000

*Lemoha. O tla natefelwa feela ke dikgulo tse sa lefiswa lekgetho ho R27 500 ya pele hang bophelong ba hao. Lekgetho le latelang ha o hula, o tla lefiswa lekgetho ka botlalo.*



Kgulo e nngwe le e nngwe ya kontane ho tswa ho letlole la hao la penshene e a kopanyeletsa, kahoo lekgetho leo o le lefang nako le nako le ka nna la eketseha. Mme, dikgulo tseo o di etsang hona jwale hape di fokotsa tjelele yohle e sa lefiswa lekgetho ha o beha meja fatshe.

## NA O NE O TSEBA KA DITLLEIME TSE ETSWANG PELE HO NAKO HO TSIANE YA LEFU?

Ha Setho sa SuperFund se hloka hahala, bahlokomelwa le/kapa bajalefa bao a ba thontsheng ba ka fumana tjelele e itseng e bitswang 'Tsiane ya Lefu' e reretswang ho fana ka tshetso ya tsa ditjelele. Ba Moifo wa Tsamaiso wa SuperFund (Trustees) ba sekaseka kabo ya ditsiane tsa lefu. Tshetso ena e ka nka ho filha ho dikgwedi tse 12 ho tloha ho letsatsi la ho hloka hahala ha Setho. Sena ke ka lebaka la hore molao o hloka hore ho be le mehato e latelwang, mme o fana ka nako ya hore bahlokomelwa ba bang ba neng ba sa tsejwe ba hlalhele.

SuperFund e ka, maemong a itseng, ananela ho fanwa ha tsiane pele ho nako bakeng sa ho thusa ho fokotsa mathata a ditjelele ho mohlakomelwa wa hao.

Ha o ne o ka hloka hahala, Mohiri wa hao o tla tsebisa bao o neng o ba hlokomela ka ditjelele mabapi le kgetho ena.

Tefo e fanwang pele ya ditsiane e ka fuwa:


- Mohatsa kapa molekane wa bophelo, bakeng sa hae, kapa lebitsong la ngwana/bana ba hae le Setho ba sa leng tlasa tlhokomelo.
- Motswadi, mohlakomedi wa molao, kapa mohlakomedi wa ngwana/bana ba setho.
- Bahlokomelwa ba bang ba neng ba hlokomelwa ka ditjelele ke mofu mme ba ka nna ba abelwa karolo e itseng ya tsiane ya lefu.

## SUPERFUND HO DIJITHALE

Na o ne o tseba? SuperFund e fana ka kgetho e bobele le e sireletsehileng ya ho iketsetsa ka tshetso ya WhatsApp le Ditshebetso tse Sireletsehileng. O ka sala morao boleng ba dipolokelo tsa hao tsa penshene ka dihora tse 24 matsatsi a 7 o sebedisa dipolokelo tsa hao.

**Tlanya mona** bakeng sa tataiso ya kamoo o ka ingodisetsang Ditshebetso tse Bolokehileng.

Skena khouto ya QR. Boloka 0860 933 333 ho batho ba hao. Thapisa "Retire" ho WhatsApp le "enter". Kgetha mosebetsi o tla etswa.



Dumela Dane. Boemo ba tleleime ya hao: Mohato wa 2/5 - Old Mutual e qadile ho sebetsa tleleime ya hao ya ho hula LETLOLE LA PROVIDENT. Mohato o latelang ke ho tsetela tsiane ya hao. Sena se ka nka matsatsi a 3 - 7 a kgwebo. Re tla o bolella ha mohato ona o phethilwe. Referense ya hao ke: 12345678/R004510D

**Le tse ding tse ngata**

- Sala balanse ya dipolokelo tsa hao tsa penshene morao
- Fumana ditateme tsa hao
- Bea leihlo kgatelopele ya ditlleleime tsa dipolokelo tsa hao tsa penshene
- Fihlella dikahare tsa thuto ya Ditho

Re sebedisa nomoro ya sele le ya ID eo re nang le yona direktong. Ho netefatsa hore re na le dintlha tsa hao tse nepahetseng, re letsetse ho 0860 20 30 40 kapa ka imeili ho [superfund@oldmutual.com](mailto:superfund@oldmutual.com).

SuperFund hape e na le tshebetso ya temoso ya SMS e fang Ditho diapdeiti mabapi le dikgulo tse felletseng tsa kontane kapa boemo ba ditlleleimi tsa penshene. Re batla hore o lemohe ka botlalo se etsahalang ha o ntse o letile.

## NA DINTLHA TSA HAO DI KGEMA LE DINAKO?

Tlhalisoleseding ya hao ya boikopanyo e bohlokwa ho rona hore re o fihlele ha re batla ho o fa tlhalisoleseding ya bohlokwa e amang wena le dipolokelo tsa hao tsa penshene.

- 01** O ka apdeita dintlha tsa hao ka Mohiri wa hao.
- 02** Ho seng jwalo, ikopanye le Setai sa rona sa Tshebetso ya Bareki ho 0860 20 30 40. Diejente tsa rona tsa SuperFund tse nang le boitsebelo di tla thabela ho o thusa ho apdeita dintlha tsa hao.

SuperFund e tshetsa ho sireletsa tlhalisoleseding ya hao ya boikopanyo mme ba e sebedisetse feela mabaka a amang dipolokelo tsa hao. Hohang re keke ra rekisa tlhalisoleseding ya hao, mme o ka labella ponaleto e phethahetseng ho rona.

## NA O FOSITSWE KE DIKGOKAHANO TSA RONA TSA MORAO HO DI BALE KA PUO EO O IKGETHELANG YONA KA TLASE MONA.

- S13A - Na Ditefello tsa hao tsa Ho Beja Meja Fatshe di Lefilwe ka Nako?: [English](#) | [IsiXhosa](#) | [IsiZulu](#) | [Sesotho](#) | [Sepedi](#) | [Afrikaans](#)
- Tsiane ya Hao ya Lefu e a Hlaloswa: [English](#) | [IsiXhosa](#) | [IsiZulu](#) | [Sesotho](#) | [Sepedi](#) | [Afrikaans](#)
- Pitsa tse Pedi Vol. 1: [English](#) | [IsiXhosa](#) | [IsiZulu](#) | [Sesotho](#) | [Sepedi](#) | [Afrikaans](#)

Bakeng sa khopi ya Kgutsufatso ya Diphetolo tsa Melawana ya Old Mutual SuperFund bakeng sa dilemo tse felang ka 30 Phupjane 2020, 2021, le 2022, tlanya konopo e ka tlase mona.

[2020](#) | [2021](#) | [2022](#)

### O ka sheba porofaele ya hao le ho fumana ditshebetso tse ding ka ho sebedisa e nngwe ya ditharollo tsa rona tsa dijithale

- Secure Services
- WhatsApp 0860 933 333
- 0860 20 30 40
- [superfund@oldmutual.com](mailto:superfund@oldmutual.com)
- Old Mutual App
- GET IT ON Google Play
- Download on the App Store
- EXPLORE IT ON AppGallery



DO GREAT THINGS EVERY DAY

Old Mutual Life Assurance Company (SA) Limited is a licensed FSP and Life Insurer.